

Broj:10-33-49840-13/25
Sarajevo, 04.11.2025.godine

SKUPŠTINA KANTONA SARAJEVO **Služba za Skupštinske poslove**

PREDMET: Odgovor na zastupničko pitanje-dostavlja se

Zastupnica Mersiha Mehmedagić je na Dvadeset i petoj Radnoj sjednici Skupštine Kantona Sarajevo, održanoj 15.10.2025.godine, u okviru tačke Dnevnog reda „Poslanička/zastupnička pitanja, inicijative i odgovori“ postavila pitanje koje se odnosi na ostvarivanje prava na lijekove i medicinska sredstva za pacijente koji pate od plućne arterijske hipertenzije

U vezi sa dostavljenim pitanjem, Ministarstvo zdravstva Kantona Sarajevo dostavlja sljedeći

ODGOVOR

Odlukom o listi lijekova obaveznog zdravstvenog osiguranja FBiH („Službene novine FBiH“, br. 73/24 i 39/25) tačkom VIII jasno je naznačeno da je struktura A liste obavezujuća za sve kantone, i da tek kada se A lista ispoštuje u cijelosti kantoni dopunjavaju esencijalnu listu listom B sa onoliko lijekova za koliko postoji mogućnost finansiranja. Shodno ovome, lijek sa aktivnom supstancom Macitentan nije dio Federalne liste lijekova ni A ni B liste i samim tim ne može biti dijelom Liste lijekova Kantona Sarajevo.

Napominjemo da liječenje plućne arterijske hipertenzije postoji poseban Protokol Zavoda zdravstvenog osiguranja Kantona Sarajevo koji obuhvata finansiranje terapije za oboljele pacijente. U okviru navedenog Protokola može se, ukoliko lijek posjeduje važeću dozvolu za stavljanje u promet u Bosni i Hercegovini i ukoliko je dostupan na tržištu, podnijeti zahtjev za njegovo uvrštavanje u program, u skladu sa propisanom procedurom što će Ministarstvo zdravstva i učiniti.

Postupak odobravanja interventnog uvoza lijekova u nadležnosti je Federalnog ministarstva zdravstva, a realizira se u skladu sa potrebama tržišta i važećim propisima Agencije za lijekove i medicinska sredstva Bosne i Hercegovine. Zahtjev za interventnim uvozom lijeka Sotatercept

podnosi zdravstvena ustanova a problem finansiranja kroz poseban projekat se uvijek očituje u kontinuiranoj dostupnosti lijeka na tržištu BiH

Uredba o obimu, uslovima i načinu ostvarivanja prava osiguranih lica Kantona Sarajevo na medicinska sredstva („Službene novine Kantona Sarajevo“, br. 22/20, 30/21, 42/22, 48/22, 21/23 i 1/24) članom 7. propisuje da u slučaju specifičnih medicinskih indikacija osigurana lica imaju pravo na određeno medicinsko sredstvo ukoliko je isto neophodno za kvalitetniji život. Shodno tome, pacijenti sa plućnom arterijskom hipertenzijom imaju pravo na pomagala za trajnu primjenu kisika ukoliko se odgovarajućom medicinskom dokumentacijom dokaže stvarna potreba za istim.


Medicinska sredstva koja se prometuju na području BiH a tu spada i primjena kisika kroz nos ili preko maske pacijentima PAH-a koji imaju izrazito nizak nivo kisika u krvi moraju biti registrovana pri Agenciji za lijekove i medicinska sredstva BiH.

Shodno svemu navedenom, Ministarstvo zdravstva Kantona Sarajevo će, u skladu sa svojim nadležnostima i dalje pružati podršku inicijativama koje imaju za cilj unapređenje kvaliteta liječenja i života pacijenata, osiguranika Kantona Sarajevo.

S poštovanjem,

DOSTAVITI:

- Naslovu
- a/a



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-104, Fax: + 387 (0) 33 562-243
Web: <http://mz.ks.gov.ba>, E-mail: mz@mz.ks.gov.ba